

## ՄԱՐԴՈՒ ԻՐԱՎՈՒՆ-ՔՆԵՐԻ ՊԱՇՏՊԱՆԸ՝ ՈՐՊԵՍ ԿԱՆԽԱՐԳԵԼՄԱՆ ԱԶԳԱՅԻՆ ՄԵԽԱՆԻԶՄ

✓ ՀՀ մարդու իրավունքների պաշտպանին է վերապահված «Խոշտանգումների և այլ դաժան, անմարդկային կամ արժանապատվությունը նվաստացնող վերաբերմունքի կամ պատժի դեմ» ՄԱԿ-ի՝ 1984 թվականի կոնվենցիայի կամընտիր արձանագրությամբ սահմանված կանխարգելման ազգային մեխանիզմի կարգավիճակը.

✓ Մարդու իրավունքների պաշպանը՝ որպես կանխարգելման ազգային մեխանիզմ, իր լիազորություններն իրականացնում է Խոշտանգումների և վատ վերաբերմունքի կանխարգելման վարչության և անկախ փորձագետների միջոցով.

✓ Այդ աշխատանքներին ներգրավված են իրավաբաններ, հոգեբան, սոցիոլոգ և բժիշկներ, այդ թվում՝ հոգեբույժ:

### ԻՆՉ ԿԱՐՈՂ ԵՆ-Ք ԱՆԵԼ ՄԵՆ-Ք

Իրականացնել պարբերական, ինչպես նաև ըստ անհրաժեշտության այցեր ազատությունից զրկման վայրեր՝ վատ

✓ վերաբերմունքը կանխարգելելու նպատակով, և պարտավոր չենք հաստատությանը նախապես տեղեկացնել այցերի ժամանակի կամ նպատակի մասին.

✓ Անարգել տեսակցել ազատությունից զրկման վայրերում գտնվող անձանց և նրանց հետ ունենալ առանձնազրույցներ.

✓ Ոչ ոք իրավասու չէ գաղտնալսել կամ միջամտել այդ առանձնազրույցներին.

✓ Անհրաժեշտության դեպքում ներգրավել թարգմանիչ, օգտագործել տեխնիկական միջոցներ.

✓ Իրավասու մարմիններին և կազմակերպություններին ներկայացնել առաջարկություններ՝ վատ վերաբերմունքը կանխարգելելու, ինչպես նաև ազատությունից զրկման ցանկացած վայրում գտնվող անձանց պահման պայմանները բարելավելու նպատակով.

✓ Տեղում ծանոթանալ ցանկացած փաստաթղթի և ստանալ այդ փաստաթղթերի պատճենները:

### ՄԵՆ-Ք ԿԱՐՈՂ ԵՆ-Ք ԱՆԱՐԳԵԼ ԱՅՑԵԼԵԼ

✓ Ձերբակալված և կալանավորված անձանց պահելու վայրեր.

✓ Քրեակատարողական հիմնարկներ.

✓ Հոգեբուժական կազմակերպություններ.

✓ Կայազորային կարգապահական մեկուսարաններ.

✓ Ազատությունից զրկված անձանց տեղափոխելու համար նախատեսված տրանսպորտային միջոցներ.

✓ Ցանկացած այլ վայր, որն անձը չի կարող ինքնակամ լքել առանց համապատասխան որոշման կամ թույլտվության:

### ԻՆՉՊԵՍ ԵՆ-Ք ԿԱՏԱՐՈՈՄ ՄԵՐ ԱՇԽԱՏԱՆ-ՔԸ

✓ Կանխարգելման ազգային մեխանիզմի գործունեության արդյունքներով նպատում ենք ազատությունից զրկված անձանց բարձրա

ցրած և մեր արձանագրած խնդիրների լուծմանը.

✓ Անհատական դեպքերի քննարկման արդյունքում կայացնում ենք մարդու իրավունքների և ազատությունների խախտման առկայության մասին որոշումներ ու ներկայացնում դրանց լուծմանն ուղղված առաջարկներ.

✓ Եզրակացություններ ենք կազմում մարդու իրավունքներին և ազատություններին վերաբերող նորմատիվ իրավական ակտերի նախագծերի վերաբերյալ.

✓ Դիմումներ և հատուկ կարծիքներ ենք ներկայացնում Սահմանադրական դատարան.

✓ Իրականացնում ենք ազատությունից զրկման վայրերի աշխատակիցների վերապատրաստումներ.

✓ Կատարված ուսումնասիրություններն ու արձանագրված խնդիրները ներկայացնում ենք տարեկան զեկույցում, որն ուղարկվում է Ազգային Ժողով, ինչպես նաև ներկայացնում ենք հանրությանը.

✓ Հրապարակում ենք արտահերթ զեկույցներ կամ հաղորդումներ՝ սահմանելով հետևողական հսկողություն այդ խնդիրների, ինչպես նաև բարձրացված հարցերի վերացման և լուծման նկատմամբ:

### ՄԵՐ ԳՈՐԾՈՒՆԵՈՒԹՅԱՆ ԵՐԱՇԽԻՔՆԵՐԸ

✓ Որևէ պետական մարմին, պաշտոնատար կամ ցանկացած այլ անձ իրավունք չունի ազատությունից զրկված անձանց նկատմամբ գործադրել ճշումներ և սպառնալիքներ մեզ հետ հանդիպելու, գրուցելու, մեզ դիմելու և տեղեկություններ տրամադրելու համար: Դրա համար նախատեսված է քրեական պատասխանատվություն:



✓ Արգելված է մեզանից բացատրություն վերցնել կամ հարցաքննել, մեզ մոտ առկա փաստաթղթերը ծանոթացման տրամադրել, եթե բացակայում է Պաշտպանի գրավոր համաձայնությունը:

### ՊԱՇՏՊԱՆԻՆ ԲՈՂՈՔ ՆԵՐԿԱՅԱՑՆԵԼԸ

✓ Բողոքը Պաշտպանին ներկայացվում է գրավոր կամ բանավոր կարգով:

✓ Գրավոր կարգով ներկայացվող բողոքները կարող են անձամբ ներկայացվել Պաշտպանի աշխատակազմ, ուղարկվել փոստային ծառայության միջոցով կամ ներկայացվել առցանց:

✓ Բողոքի համար որևէ հատուկ ձև սահմանված չէ, սակայն բողոքում պետք է նշված լինեն դիմողի անուն-ազգանունը, մարդու խախտված կամ խախտվող իրավունքների մասին տեղեկությունները, իսկ առկայության դեպքում՝ գործի պարզաբանման և լուծման համար անհրաժեշտ փաստաթղթերը:

✓ Բողոքը պետք է ներառի նաև ամիսամսաթիվ և լինի ստորագրված:

✓ Պաշտպանին ուղղված բողոքները ենթակա չեն ստուգման կամ գրաքննության:

✓ Բողոքներն իրավասու մարմինների կամ կազմակերպությունների կողմից ստանալուց հետո անհապաղ, բայց ոչ ուշ, քան 24 ժամվա ընթացքում պետք է ուղարկվեն Պաշտպանին:



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆ



### ՀՀ ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆԻ ԱՇԽԱՏԱԿԱԶՄ

ք. Երևան, Պուշկինի 56ա  
+374 10 500529 (քաղաքային)

[ombuds@ombuds.am](mailto:ombuds@ombuds.am) (էլեկտրոնային  
փոստ)

### ՄԱՐԶԱՅԻՆ ՍՏՈՐԱԲԱԺԱՆՈՒՄՆԵՐ

Շիրակի մարզ, ք. Գյումրի  
Մեեր Մկրտչյան 44/46  
+374 312 41981

Գեղարքունիքի մարզ, ք. Գավառ  
Կենտրոնական հրապարակ 4  
+374 264 30116

Սյունիքի մարզ, ք. Կապան  
Մելիք Ստեփանյան 6  
+374 285 20116

OMBUDS.AM  
PASHTPAN.AM

**116 ԹԵԺ ԳԻԾ**

### ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆԻ ԱԶԱԿՑՈՒԹՅՈՒՆԸ

ԿԱՆԻՍԱՐԳԵԼՄԱՆ ԱԶԳԱՅԻՆ  
ՄԵԽԱՆԻԶՄԻ ԿԱՐԳԱՎԻՃԱԿԻ  
ՇՐՋԱՆԱԿՈՒՄ

Նոյեմբեր 2018